

REZIMEI PODRŽANIH PROJEKATA FOND ZA AKTIVNE ZAJEDNICE

Javni poziv za podršku projektima lokalnih grupa za razvoj zajednice
Broj javnog poziva: 8-FAZ-2/22, Br. protokola: 380/22

Aplikant: Udruženje građana „Behar“

Naziv projekta: Kuća susreta

Odobreno sredstava: 2.890,00 KM

Udruženje žena „Behar“ Škahovica članica je Lokalne grupe za razvoj Škahovica, a ovim projektom žele urediti prostor koji se nalazi u blizini lovačke kuće, gdje se već, kroz druge projekte, obnavljaju biciklističke staze koje bi povezale susjedna sela, a sve s ciljem doprinosa razvoju i promociji netaknute prirode i bosanskohercegovačke kulture. Na pomenutoj lokaciji žele postaviti 2 klupe i sto gdje bi mještani mogli da odmore, a za djecu bi uredili igraonicu, gdje bi postavili ljuljaške i tobogane kako bi i djeca imala svoj kutak za igru, jer u ovom trenutku MZ Škahovica nema ovakvo mjesto za najmlađe. Ujedno, na ovoj parceli se nalazi i izvorište, kojem je pristup neuslovan, te bi se postavljanjem korita i česme stvorili higijenski uslovi za korištenje vode.

Svrha „Kuće susreta“ je susret mladih generacija sa starijima kako bi se upoznale sa vrijednostima naše kulture kroz organizaciju bitnih događaja kroz muziku i ples. Obzirom da je ovo jedna od najvišljih tački Škahovice, u budućnosti planiraju na ovoj lokaciji praviti izletišta. Partneri na projektu su MZ Škahovica i Udruženje građana „Izvor“.

Aplikant: Lokalna grupa za razvoj Solina

Naziv projekta: Rastemo zajedno

Odobreno sredstava: 2.590,00 KM

Ovim projektom će uraditi niz aktivnosti kako bi unaprijedili društveni život u zajednici. Prvo planiraju organizovati druženje uz edukacije kroz kreativne radionice slikanja, krojenja i šivenja, heklanja, pletenja i dekupaža. Kako bi te aktivnosti provodili u prostorijama MZ neophodno je da obezbjede zagrijavanje ovih prostorija tokom zime. Iz tog razloga ovim projektom žele ugraditi klimu u velikoj sali kako bi se ona mogla koristiti u svim vremenskim uslovima. Također, žele organizovati nagradni natječaj za najuspješnije kreacije i pripremiti izložbu za završnu manifestaciju. Iz vlastitih sredstava planiraju ugraditi videonadzor u cilju obezbjeđenja zaštite imovine i korisnika prostora. Budući da je u blizini čitaonice federalni put i parking kojeg koriste posjetioci čitaonice, žele da pristup prostorijama dodatno uredi i osiguraju lijep ambijent i ispred samog prostora, djelimično bi ga odvojili od parkinga i navedenog puta, te i na taj način pružili dodatnu zaštitu korisnicima s ciljem poboljšanja kvaliteta življenja u ovoj zajednici.

Aplikant: Lokalna grupa za razvoj Dubrave

Naziv projekta: Vanjska dječija igraonica



Odobreno sredstava: 3.000,00 KM

Aplikant je ove godine postao dio Mreže aktivnih zajednica i ovim projektom žele riješiti problem nedostatka prostora za druženje i vanjskih aktivnosti mladih i njihovih roditelja, odnosno izgraditi vanjsku dječiju igraonicu za djecu i mlade kako bi imali prostora za socijalizaciju i razvijali svoju motoriku. Pored toga što bi se postavila igraonica za djecu, uredili bi prostor i za odrasle, postavljajući klupe i stolice gdje će roditelji moći odmarati dok se djeca igraju, a ujedno posaditi sadnice i postaviti kante za smeće. Igraonicu planiraju postaviti u blizini ambulante porodične medicine i prostorija mjesne zajednice, gdje se nalazi dovoljno slobodnog prostora i gdje će djeca biti sigurna.

Aplikant: Lokalna grupa za razvoj Lipnica

Naziv projekta: Vesela učionica

Odobreno sredstava: 1.733,00 KM

LGZR Lipnica je kroz analizu zajednice ustanovila da osim kapitalnih infrastrukturnih projekata nedostaju edukativni i kreativni programi za djecu. Ova zajednica nema obdanište, niti bilo kakvih edukativnih sadržaja za djecu, te je svrha projekta poboljšati život djece u zajednici kroz pedagoško-edukativni sadržaj za djecu i mlade. "Kuća solidarnosti" je jedini objekat u zajednici koji koriste aktivne organizacije i neformalne grupe građana za svoje aktivnosti, ali nije u potpunosti uslovan za rad, te ovim projektom žele urediti i obezbjediti siguran i motivirajući prostor za održavanje radionica za djecu i mlade, ali i širu zajednicu. Kroz projekat žele urediti, okrečiti i očistiti salu za rad sa djecom kako bi održali 8 radionica za djecu. Radionice se odnose na razvoj društvenih vještina, podsticanje razvoja motorike i logičnog prosuđivanja i razmišljanja, kreativno izražavanje, ples, pjevanje i crtanje. Poseban akcent je stavljen na ekološko obrazovanje djece, da djeca od najranije dobi imaju urađene vrijednosti očuvanja životne okoline te i sama budu aktivni sudionici iste.

2

USLOVNO PODRŽANI PROJEKTI

Aplikant: MZ Šibošnica

Naziv projekta: Moderna autobuska stanica

Uslovno odobreno sredstava: 2.469,85 KM

MZ Šibošnica želi urediti autobusku stanicu obzirom da su mještani putem anketiranja izjavili da im je ovo jedan od prioriteta u zajednici. U ovoj zajednici nijedna autobuska stanica nije natkrivena što stvara problem kod putnika naročito u vrijeme kišnih, snježnih, vjetrovitih, ali i jako sunčanih dana. Projektom žele, osim natkrivanja autobuske stanice, postaviti i klupe, kante za smeće te panel za reklamu kojim bi kreirali uslove za stalni izvor prihoda od iznajmljivanja prostora za reklamu.

Aplikant: Lokalna grupa za razvoj Kreka

Naziv projekta: Vrata u svijet sporta

Uslovno odobreno sredstava: 556,00 KM

LGZR Kreka želi poboljšati uslove za rad u sali za tjelesni odgoj OŠ Miladije. Školu pohađa 300 učenika koji svakodnevno u sklopu nastave koriste salu za tjelesni odgoj, dok stanovnici mjesne zajednice i sportski klubovi salu koriste za rekreativne i sportske aktivnosti u večernjim satima. Svlačionica je neuslovna za presvlačenje, a problem dodatno usložnjavaju i dotrajala vrata koja se ne mogu zatvoriti, te se nerijetko učenici presvlače u toaletu ili u učionicama. Kako bi riješili problem učenici i aktivisti LGZR Kreka će



zamijeniti vrata i zajedno okrečiti svlačionicu i time dati doprinos za svoju zajednicu, a ujedno proširiti osjećaj pripadnosti. Kako bi promovisali zdrav život i sport organizovat će zajedničko druženje članova mjesne zajednice, učenika i uposlenika škole, te članova Udruženja građana oštećenog vida sa kojima bi realizirali sportske aktivnosti u vidu govornog pikada, šaha, čovječe ne ljuti se, obaranje čunjeva i prevazilaženje prepreka. Partneri na projektu su: Udruženje građana oštećenog vida Tuzla, Bosankić Ibrahim – direktor Cinkarne i aktivista, Mjesna zajednica Kreka, Mreža aktivnog starenja i Udruženje penzionera.

Aplikant: Lokalna grupa za razvoj Dobrnja

Naziv projekta: Ozelenjavanje javnih površina u MZ Dobrnja-Čanići

Uslovno odobreno sredstava: 640,00 KM

LGZR Dobrnja želi zasaditi 40 čempresa visine do 80cm na lokaciji zelenog parka oko Društvenog doma Dobrnja, te pored ograde ograđenog sportskog terena na kojem se nalazi zelena površina s ciljem ozelenjavanja javnih površina u MZ Dobrnja. Na navedenoj lokaciji su u deficitu sa zelenim sadnicama poput čepresa, jelki, borova i drugog ukrasnog drveća, a projektom ozelenjavanja navedene površine postigli bi poboljšanje čistoće zraka i zaštite od prašine, odnosno doprinijeli bi smanjenju aerozagađenja. U skoroj budućnosti bit će postavljene i klupe na ovoj lokaciji kako bi se kreirali bolji uslove za djecu i mlade.

Aplikant: Lokalna grupa za razvoj Dragunja

Naziv projekta: Svi za zajednicu

Uslovno odobreno sredstava: 2.963,40 KM

LGZR Dragunja ovim projektom želi urediti društveni dom kako bi u potpunosti bio funkcionalan. Ovo je jedini objekat u ovoj zajednici koji građani koriste za svoje društvene aktivnosti. Društveni dom trenutno nema ulazna vrata, što omogućava nesmetan ulazak trećim licima, ali i onemogućava efikasno zagrijavanje prostorija doma. Postavljanjem vrata bismo osigurali dom, te utjecali na energetska efikasnost prilikom zagrijavanja objekta. Nakon adaptacije prostora uređeni dio društvenog doma koristit će za potrebe aktivista u zajednici, građana, članova raznih udruženja, neformalnih grupa, te raznih sekcija u zajednici.

Aplikant: Lokalna grupa za razvoj Tinja

Naziv projekta: Sjedi i odmori

Uslovno odobreno sredstava: 2.965,95 KM

Na cijelom području Tinje ne postoji niti jedna kanta za smeće, kao ni klupa za javnu upotrebu na adekvatnim mjestima. To utječe na to da se stvara velika količina smeća, a nedostatak klupe negativno utiče na socijalizaciju starijih i mladih. Projektom žele urediti javne lokacije kako bi imali adekvatno i uredno mjesto za odmor građana. Prva aktivnost koju planiraju je da očiste, izravnaju i pripreme teren, zatim postavje 9 klupa i 6 kanti za smeće na javnim lokacijama (Plato između ambulante i spomen kosturnice; Raskrsnica pored džamije u izgradnji i zanatskog centra, Poligon malih sportova u Tinji; Raskrsnica u blizini JU Osnovna škola Tinja). Nakon postavljanja klupa i kanti za smeće, volonterskim angažmanom bi na pomenutim lokacijama posijali travu, te posadili cvijeće i drvo.